

拙忍集

壬午清明

張伯芳題



雲龍山樵肖像



一九四九年
 賀孔才先生
 國書館之圖書

雲龍山樵。為吾老友。
 道骨詩腸。良質美手。
 正拍倚聲。錦心繡口。
 南北馳驅。知名已久。
 世運凌夷。宣南退守。
 自定殘篇。從今不朽。

唯陵王玉樹題贊



仕復耽老學高以復
高吟秀句傳旅亭
江湖遠暮心

題

拙忍先生詩集

秉士



拙忍先生詩詞合稿序

夫千秋粉社不聞雲揚風起之歌四面楚聲同抱雖逝時衰之感况乎台前戲馬英氣全消澤裏鳴狐嘯音猶劇野哭偏聞一路草木都驚欲歸等是無家桑榆漸老羸膝履屨長途興季子之悲鐵板銅琶到處唱髯公之曲是皆懂而有作奚屑藉以爲名彭城蘇君磨盾十年筆符一卷逐穴飛土寄古調於彈丸芳樹玄雲創新腔於饒吹襟袖自多粉本越豔吳趨心胸宿有珍藏隋珠荆玉宜其押官屈宋疏附齊梁老而愈工道斯爲美矣僕執戈魯壁夙契卯君橐筆燕郊獲縉丁部廬山未識早知面目之真洛紙開箋遑論文章之價嚴長城之五字剪髻能勻蒼柏梁之七言馱裝尤富推敲細律如逢山寺吟僧賭鬪新歌不少旗亭妙妓樂府則擠排玉茗詞場則笑傲金荃更乃赴節參差意經言飾調宮高下手滑心研截竹永依梅綻鶴樓之笛索銖罔忒花吹雞塞之笙固已掩周柳之芳菲入姜張之堂奧劉坦之收入風雅定軼白香周弁陽集其菁英可

媿黃絹也已近歲焚門灾劫負焦桐於灰燼之餘拍岸回潮拾斷戟於沙沉之後自惜羽毛脫落比鳳奚慚空留劍缺飄零食魚寡味不禁忍俊出枕秘之雜鈔雅號拙存鏤巾箱之贖墨他日眉山宗派可借雪谿雲壑以傳卽今彙豐沛詞人宜共夢得履常不朽歲次辛巳武昌紅礁老人彭一卣謹序

序二

彭城蘇子拙忍以所著詩詞若干卷屬一言爲序余受而讀之則有滄海集有沱江誌別吟有楚北唱和集有宣南唱和集有三中吟艸有回願錄有秣陵集其與山川游覽之勝交遊離合之跡與夫人事興替變遷之故悉於是乎詠之或豔若春葩或爛若朝霞或雜花樹而聞流鶯或貫珠纍纍而叩玉泠泠境移情歟情生文歟蘇子之言曰吾老矣殆將歸休矣夫其胸懷志趣高致泊然宜若可以抱樸含貞無營自足他日桓山之畔黃樓之巔倘有清商曉角發鶴鳴鳳嘯之音者其吾子也夫虞山莊震生序

序三

古今詩人吾家太白詩飄飄有仙氣論者推尊在杜少陵之上君家東坡詩才似太白而晚年深邃於佛理論者推重宋四家以髯蘇爲之冠卓人吾黨健者同學少年皆好事功有致身卿相者而君獨耽吟詠遨遊南北輒成一集綜觀全豹以集古爲最妙奪他人之酒杯澆自己之塊磊痛快之極留存人間以待千秋公論卓人吾弟以爲何如大浩山人李定球識

序四

拙忍以秣陵集示余余知拙忍曩日每到一處必有一卷詩自宦游北平以前之作余輒爲加墨其上不爲唯阿之詞或持論過苛亦不以爲忤於此知拙忍之詩必進而益上矣在甯四載退食之暇吟詠自娛又得師友江山之助詩歌之外兼擅倚聲更唱迭和前于後喁幾不知人間何世感時憤事亦寄於此讀其詩與年俱進詞亦俱工自惟學殖荒落不能復爲切磋之益益滋愧耳此卷集句尤佳輻輳之格亦極工巧殆以填詞幽省之思運之於詩曲折盡致乎

質之作者以爲何如徐州雲生張從仁序

五序

蘇拙忍先生博雅溫文與人無忤不論識與不識一見而知其爲深於情者曩年結識於吳孚威上將軍子玉座中每與閒談風月其一片語輒耐人尋味初不解其何以如此之令人傾倒也昨承出示拙忍詩詞合稿囑加序文於編首敬謹受而讀之讀竟則喟然歎曰聞之詩云深於情者未必長於詩而長於詩者未有不深於情者也拙忍如此深於情其殆長於詩之所流露乎紳出塾太早向不解韻語之推敲法然稔知其爲描繪景物抒寫心懷之佳具舉凡南朔東西之異宜春夏秋冬之異候與夫喜怒哀樂以及一切人事之進退流連無一不可以詩宣之記時記事朗若列眉積之久則勝於編年之日記是不可以不存因憶幼讀詩經時往往神遊於其景物中幾不知此身尙在書塾今讀拙忍詩詞又髣髴幼讀詩經時之想像矣吁不可及也山左縉侯滿書紳序

題詞

西江月

湘南李嶽衡 茹 興

集句如同己出轆轤一氣相生華巖寶藏透靈明一個老僧入定 華北華南
奔走淮徐縮作中心大千世界變黃金明月前身印證

小重山

武林汪 怡 一 庵

攘攘塵寰劇可憐故都重話舊淚空潸一編示我盡琅玕春光好花下帶風縈
讀罷味恬然合看新樂府繼眉山銅琶漫撥意纏綿君知否杏雨黯江南


奪錦標

北京張 瑜 郁 庭

擲藻摛華引商刻羽坐把生花仙筆陶寫中年情緒拈斷吟髭抱枯閒膝顧年
經四九已嘗遍宦途艱窄歸來解却塵纓領取幽棲名蹟 且著君家笠屐倚
劍擎杯長嘯聲聆空碧臥聽江淮流水詩屢探源詞忙斟律堪羨奚囊投滿更
手訂琳瑯盈尺繫玲瓏十萬金鈴價貴雞林爭得

題 詞

五



自叙

六

彭城爲禹貢九州之徐州雲龍山在州城南與楚亞父塚接近而蘇氏世居其側者也僕生斯長斯熟讀我家東坡公之守徐政績俯仰流連恨不古若弱冠後遨遊南北四十餘載然於酬酢行旅間隨時隨地歌嘯自如曾成沱江誌別吟楚北唱和集宣南唱和集回顧錄三中吟草秣陵集等稿壬申秋供職教部公餘承師友切磋對於學詩方窺門徑更蒙婺源石師弢素譜兄教以填詞指正周詳往還攻錯復成無益詞一冊迨丁丑事變故里騷然舊書剩稿多歸焦土豈天不欲以無謂文字留世耶抑以技之不足悅人特使泯焉而已耶是皆不可知也然備嘗艱險得失心知掇拾殘篋尙獲些許此編之意匪特寫心以存陳迹蓋爲塾居幽燕教子課孫毋忘鄉井以消夏日之炎炎而已民國三十年辛巳仲夏彭城雲龍山樵蘇拙忍書於北平望海樓

拙忍詩存

雲龍山樵蘇拙忍

題陳工師曲江新屋落成

宣南小築阜門迤東夏夏獨造象外環中工師巧技迴異雕蟲珠聯璧合結構玲瓏登臨四顧明目達聰西山近遠春日和融金城細柳玉竦長虹下觀海甸上接蒼穹登峯造極倫樂無窮

題棠棣競秀圖

茫茫四顧難得同心十二雙十忽忽至今無分賢否奚問升沉貞心各抱異苔同岑他山攻錯利勝堅金樂如荆樹雅集竹林超然物外醉嘯狂吟

題黃孝祺先生遺像

海外早稱健者國中並曰能人淵明淡淡如菊叔度汪汪絕塵 吞鯨食蠶觸目願曲縱酒藏身慣聽詳明品節仰瞻肅穆精神

秋蟬

酷暑已催殘猶然高樹戀清聲不忍歇若與秋風戰

詩 存

秋闈

詩 存

二

涼月照我心涼風吹我面風月兩相侵胡不與耶見

卽事

河山驚半壁將帥痛偕亡已失中流柱空嘗續命湯張良嗟豕突孫子冀鷹揚
枉樹閻公望難求馮婦強馬援立銅柱蘇武牧遐方蔣濟儲韜略于公進諫章
林逋梅動月顧悅柏經霜巨眼分青白聊爲阮稽狂

輓李英年女士

天地有正氣正氣足綱常賢哉李氏女聞之殊感傷宜家復宜室安肯鬪紅妝
蕩地起狂瀾新法先胆寒詩書不知味利害嘔心肝回想雙棲樂今生難上難
知難惟有退夜半銀缸對翠帳迷離時黃泉方寸內空留鸞鳳名匆匆十一載
無術可存身仰藥淚沾巾彌留一開目含笑倍情真其愚雖不及愧煞讀書人
短長評里黨此義究誰仗生女壯門楣英烈瞻遺像

題李南園先生黃麓躬耕圖

神遊千載憂萬重避地遠在卅六峯
發光匿采來猷敵心契南陽一臥龍
先生累官江南北謳歌載道姚循聲
河山烽火蕩地起賣漿屠狗爭功名
世變滄桑無可語手扶耒耜傷禾黍
近接欵浦遠桃源到此先寬任公處
任公村溪今依然力田尋幽成今古
古人未知田其田今人獨嘗苦中苦
胼手胝足樂陶陶流水高山笑凡宇

凌直支先生以舊作墨玉簪見貽賦此答謝

季子寡合季女知窓陰養拙甘沉默
天生萬物各有情秋水爲神誰畫得
虎頭妙筆能通靈玉盤移近輕沾墨
冰姿雪魄出天然翻嫌脂粉汚顏色
短莖密葉避高深手揮目送眞奇特
簡廬寫贈蝸廬光奚啻飲和與食德

乙亥秋遊宜興善卷庚桑二洞

秋盡江南丹楓盛同仁忽起遊山興
電掣風馳車輪勁麟短長聲相應
行復行兮縱復縱高低志忘羣呼痛
履險如夷我無恐何況未入乾坤洞
天下福地七十剩此間五十有八竟
高風千古避天命大道飛昇成仙聖
仙聖究爲何名

姓善卷庚桑有前證海王廳前層叠磴張筵可列三千凳獅王奮鬣並宛頸象
王垂鼻兼舐脛九友八仙逼蒼穹如來大佛跌高峯洞分前後上下中內多鐘
乳滴重重陰慘黝黑眼迷濛左持油捻右扶筇危如棧道疑難通蝙蝠蠕蠕啾
啾鳴由窄而擴暗而明一晝開天奇趣生先達天腰後天篷方知石室本成空
雷音壑口雲未封懸崖瀑布聽淙淙偃僕鼓棹當前鋒我身儼到廣寒宮舟子
搖槳語從容指點是處古潛龍千年龍骨得重逢何幸家藏儲簡翁日西斜兮
月上東遊罷言旋興未窮把盞不覺醉顏紅醉後留題筆生風

秋 雨

昨夜淋漓雨聽來小院中催寒和蟋蟀破曉滴梧桐初菊芳應濕殘荷色轉濃
一聲黃葉落斜日半林紅

紀 夢

少年爲客早每夢到家山曲曲經川路匆匆計往還高堂欣入室稚子笑開顏
忽聽鷄聲唱知留浙海間

送春有感 詠洪憲也

報道東皇去，蜂媒蝶使驚。百花空有恨，羣鳥不平鳴。怎醒繁華夢，那堪風雨聲。
故宮三十六，都是別離情。

中秋不見月出時客鶴峯

同是團圓月，今宵月避人。朦朧天外影，冷落幕中賓。家室憑誰託，音書寄我頻。
烽烟何日靖，歸淚欲沾巾。

甲戌春率次子長孫同遊清涼山登掃葉樓

千古清涼地，登臨一豁胸。軍師曾駐馬，王氣尙蟠龍。日映明湖水，風傳遠寺鐘。
韶光驚易逝，楊柳綠陰濃。

遺老非元老，清流異濁流。一僧開萬壑，半畝足千秋。後學維名教，長江枕石頭。
兒曹明此旨，掃盪古今愁。

袁浦舟次

一帆風滿夕陽行，小坐船頭聽水聲。回首家山渺，何許清江浦。上過清明

詩 存

五

題宜昌三遊洞

飛壁懸崖古洞幽，蘇黃元白紀前遊。
吾儕到此空憑弔，江水滔滔春復秋。

初秋寫懷於鶴峯州

噫噫蟬聲出樹頭，山中天氣晚涼收。
我心已不因人熱，團扇秋風敞畫樓。

聞 曲

歌喉宛轉訴衷腸，斷續聲中淚數行。
兩小無猜亦無語，琵琶同抱坐斜陽。

登牛渚山

拳石峻嶒擁翠螺，微風四面聽秧歌。
天教耳目清如許，生怕詩人感慨多。

題太白樓

風流儒雅是仙真，把卷持杯寄此身。
千古精靈依采石，醉來天子不能臣。

京口題壁

路盤峯脚塔凌雲，開拓胸襟思不羣。
北界瓜州西蒜嶺，梵音妙諦隔牆聞。
金山寺
卅年前步妙高峯，別後多從夢裡逢。
江岸青青山近遠，蕭疏霜鬢正愁儂。
妙高台

扶筇遙望大江天來飲人間第一泉黜陟不聞心浩蕩臨風小憩卽神仙中冷泉
法語由來本可從高人深致半禪宗坡公玉帶今何處洞口多留翰墨蹤法海洞
不以言傳但姓焦晨昏獨聽去來潮古今卿相賢難定真隱奚容野火燒焦隱士
一寺分菴計十三松寥首獲靜中參由來書畫皆詩料秘卷能無方外探松寥閣

石叟素兄贈詩送行匆促依韻奉答

甄陶既久氣調和問難執經如飲河電掣風馳行赤日別時終少聚時多
守以一方養以和風生四座口懸河可知名士江南老滿腹經綸寄慨多

遊棲霞山棲霞寺唐爲妙音寺

飽看紅葉遠羣塵領略秋光入妙音名利不除皆幻夢人生可有百年身
東龍西虎占形勝明秀空前數鳳翔今古高賢興廢感都從三聖識行藏三聖殿
忍使唐碑沒草萊仲交維護思深哉求賢下詔懷高遠遺恨難邀處士來明徵君碑
舍利分藏八十三蔣山一塔蠶江南與民憂樂關天下深願同修上乘參舍利塔
石佛精靈僅二尊虎頭妙筆幸猶存餘因修繕泥和水各洞多添斧鑿痕千佛岩

屹立一峯若玉冠長江滾滾起狂瀾無邊雲樹蒼茫裡古寺斜陽見大觀紗帽峯
石罅盤根樹節堅唐公峻聳詩肩荒烟蔓艸桃花澗斷壁懸崖一線天天開岩
南齊遺事紀千秋安肯登朝拜冕旒四大皆空堪俯仰名山何日再重遊

題藥王廟

玉皇上座下三皇旁列神明號藥王灑水北流添葉艇巖山南峙護金湯雲霄
有路窮天末鐘磬無聲覽大荒欲問山靈特到此瘡痕滿目醫何方

山海關題壁

長城名義震瀛寰歲晚來登第一關夜夜鄉心驚塞雁年年征戰托刀環平沙
北擁角山外明月東升渤海間秦漢不聞况魏晉空餘馬跡看回還

過大巖關感賦

披荆斬棘出巖關飛壁懸崖勒馬間昨日東鄉風雪迫今朝南渡霧雲還欲期
用世誰知已話到安良貴詰姦獨往獨來存浩氣俯臨萬壑並千山

冬日山行

陡逢雨雪萬山叢詩句寒添澈骨中四五家人居絕壁兩三行雁唳長空磷磷
石級雲生白瑟瑟楓林葉落紅遠望烽烟何日止擬從此處問蒼穹

張君勺圃由龍江歸飲於敝寓暢談該埠風景並擬續集徐州詩徵在座

有朱虞尊王玉樹諸君均極端贊許酒後賦贈

來自關河萬里天鄉邦爭羨使君賢高風共仰徵遺句舊雨重逢憶少年張朱爲
總角交
落筆烟雲藏氣節橫流滄海變桑田寺鐘遠聽壽甯外理亂不知作地仙

內爭初定張君勺圃頻頌佳句依韻奉答

南北調和類補天籌邊急切召才賢浮槎泛渚三千里嚼雪吞氈十九年君重
載書稱博物我留破硯當良田升沉不問風騷著獨步爭傳李謫仙

遷居偶成集古

家託烟波作四鄰故應客主盡詩人半山落日樵相語黃淮蓀君別字雲母
山樵余號雲龍山樵十畝

鋤犁手自親柱上雕蟲對書字琴中綠水靜留賓閒雲舒卷無聲畫憂喜忘心

卽養神陸游蘇軾于右蘇軾
李商隱錢起文天祥徐絃

詩存

九

壽衡陽李南園先生七十

一片丹心存浩氣

先生別字
大浩山人

長源歸隱重衡山善藏聲價猶龍裏獨步風騷走

馬間八百神仙占元秀五千道德憶函關追懷仁愛江南北生佛應能解笑顏

乙卯國慶紀念偶成時客武昌

四載光陰歎水流何堪又值漢江秋翻雲覆雨開千古虎變龍飛壓九州未定
河山爭北向無窮富貴賸東遊一聲風送南歸雁冷眼滄桑獨倚樓

壬申冬月望日賞月感懷時客秣陵用韞齋體

人生幾見月當頭逝水年華春復秋去國莊周甘曳尾登樓王粲怕凝眸江南
風雨縈前夢冀北烟塵抱隱憂手撥殘燈看詩卷階木葉響颼颼
過眼滄桑等置郵人生幾見月當頭慣聽蠻觸爭珠蚌敢詡文章射斗牛白雲
徵歌思楚國青衫惹恨濕江州王孫四面誇嬾繳宿鳥茫茫何處投
六朝名勝晚烟浮東去江聲撼巨舟豪氣盡除霜滿鬢人生幾見月當頭光明
燈火憑誰照破碎河山爲我留振筆疾書忘夜寢莫愁湖上憶前遊

除却新愁與舊愁，知非知命是良謀。
船高水漲齊添浪，笛遏雲行獨倚樓。
國事可忘言在耳，人生幾見月當頭。
親朋道遠來相問，酬唱依然樂未休。

重來建業訪名流，道德文章歎寡儔。
虎踞龍蟠忙裏駐，青天白日望中收。
筱彭放宕誇林鳳，拙忍優遊狎海鷗。
僕字卓人號筱彭別字海鷗近又改卓人為拙忍今值月圓增百感，人生幾

見月當頭。

癸酉秋旅行滁州瑯琊山 用輓轡體

霜葉紅於月，二花秋聲切。切共登車機，輪衝動爭前進。
履寫紛紜慮，後加良善人民。溯循吏艱難稼穡，見田家此邦名勝傳。
千古文獻都從趙宋誇。

西南深秀卽瑯琊，霜葉紅於二月花。居士文章成六一，坡公名句鬪尖叉。
行因越嶺如騎虎，語不驚人類畫蛇。豐樂亭中聊駐足，山僧飲我紫薇茶。

時值深秋天氣嘉，同人遠足笑聲譁。烟巒翠合三生石，霜葉紅於二月花。
解醒閣前學捫蝨，梳妝台畔聚啼鴉。峯迴路轉飄然立，澗水潺湲送日斜。

清幽聖境飯胡麻，齒頰留芬意興賒。不到方池望西澗，願依明月池名讀南華風。

人淡似三秋菊，霜葉紅於二月花。俯視塵寰哀樂異，災鴻難數若恆沙。
生未逢時空歎嗟，何如歲月老烟霞。數千百里遷難定，十二萬年黍不差。香草
美人思芷若，白雲秋水共兼葭。歸途俱說山林好，霜葉紅於二月花。

六十自述感懷 用轆轤體

六十年前夢一場，我身如寄半他鄉。詩書以外無餘物，漢魏之間覓舊藏。南北
東西行近遠，春秋冬夏辨炎涼。休亭上遙聞笛，明月清風快舉觴。

而今不似幼時狂，六十年前夢一場。芹藻餘風存傲骨，藕絲竟日繫柔腸。宣南
舊恨書青簡，楚北新題溢紫囊。老去方知欽道範，爐香薰沐守元陽。洞名

論語孝經蘇世長，此心耿耿未能忘。兩三杯後愁千疊，六十年前夢一場。落寞
庭階叔父少，綿延門戶子孫強。寒舍單傳五代近臻繁盛回看海內存知已，樂道安貧戒譽揚。

儒裝脫去易戎裝，時勢爭趨合璧光。匝地旌旗忙日月，千霄松柏慣風霜。百千
詞內窺三昧，六十年前夢一場。歲暮天寒驚袖薄，鴻鈞氣轉鬪羣芳。

少長歡斟萬卷堂，我生剛值祀黃羊。情猶靖節歸三徑，詩學坡公詠兩郎。接譜

神童開北宋臨池官硯慕南唐功名利祿滄桑幻六十年前夢一場

題李司理渾一海北庭園小蓬萊

城市山林類結庵蓬萊仙草最宜男座中知己惟紅友檻外遙天擁翠嵐往古
來今稱海北畫橋流水似江南封侯未許皆奇數讀律何難抵掌談

參觀佛學研究院並謁楊聞道先生

聖賢仙佛盡成真前世今生論果因不識不知忘白刃無聞無見絕紅塵恆河
沙數三千界忠信廉明十二辰桃李成蹊能有幾羨君憂道不憂貧

男從
姪欣
勇校字

無益詞自敘

詩 存

一四

飛鳥之以害蟲爲食者間接有益於農事昆蟲之以謀利足稱者直接有益於人生天下事固不可以無益害有益亦不可認有益爲無益衣能遮身食能裹腹是與人有益矣衣食過分害卽隨之是又與人無益矣有益無益之分全憑一己自擇故孔子曰益者三友損者三友又曰泛愛衆而親仁具見有益於我者當師事之無益於我者當戒勉之無論有益無益均不可忽讀書明理可益智修身養性可益壽詩能言志詞能藏志故項蓮生先生之敘憶雲詞有不爲無益之事何以遣有涯之生二語余取無益二字命名卽本此旨在他人品評無益余不敢以有益自鳴在個人身心有益人亦不必以無益笑我聊述大概以寫我心云爾

無益詞

雲龍山樵蘇拙忍

蒼梧謠 題李女士雙手遮面小影

遮顧影垂雲 鞞鬢鴉靈犀斂 葱指當輕紗

又題王女士繪各色臉譜

遮翠鬢朱顏 敢自誇愁無奈 特借筆生花

荷葉盃 題梅雀爭寒圖

饑噪暗棲疏葉連 接影橫斜染成香雪盡 含笑高妙哺黃花

謝秋娘 彭城詠古二十首

彭城好道德共垂名人願 壽長多羨祖井因 城在故稱彭近聽擣衣聲 彭祖井

彭城好爭唱大風歌 父老歡欣說樊噲 兒童鼓舞話蕭何 聲韻壯山河 歌風台

彭城好游泳去昭陽 百里荷香添馥郁 千村漁艇樂徜徉 山色並湖光 昭陽湖

彭城好濟世賴神籤 杯水有靈皆是藥 仙壇無歷不知年 香火結因緣 華祖廟

彭城好百忍是良謀 一卷兵書黃石授 滿腔忠愛赤松遊 身退傲王侯 留侯廟

詩 餘

彭城好排闥氣縱橫虎口甘臨何畏死豚肩生啖不嫌腥社燕尙來庭樊噲巷

彭城好泉湧寺門開殘碣糶糊書晉字斷根拳屈臥唐槐冷雨灑蓮台聖泉寺

彭城好妙偈一聲鐘曲徑蒼深生翡翠懸崖樹老化虬龍雨過晚霞紅皇藏峪

彭城好雙影斷人腸鏡裏容顏凋翠色樓頭燕幕鎖斜陽枕篔獨淒涼燕子樓

彭城好龍幻本無形霽月光沉千丈碧曉天影貯一函青鱗甲動雷霆龍潭

彭城好爭霸並爭王子弟空餘桑梓恨英雄尙有釣遊鄉碑斷臥斜陽項王里

彭城好山頂看帆檣一劍龍蛇分楚漢千秋功狗話興亡牧笛聽淒涼九巖山

彭城好遺愛在吾鄉大士岩前雲放鶴黃茅岡上石成羊隄柳見新霜蘇隄

彭城好塔頂露顏唐戲水輕鷗開晚照銜蘆飛雁背晨霜秀挺白雲鄉奎山塔

彭城好四月善門開地勢西盤千障合水聲東走萬帆來殿閣鬱崔巍泰山廟

彭城好一劈巨靈同略試提携皆將相不關叱咤始英雄落葉感秋風試劍石

彭城好累世互通婚五畝桑麻供賦稅一畦葱薤足盤飧儉樸古風存朱陳村

彭城好黃石湖仙蹤東望圮橋思墮履西瞻泗上憶從龍洞口白雲封黃石湖

彭城好成敗，決斯人鹿走中原。誰共逐龍飛天子，豈無眞墓艸漢家春。王母墓陵

訴衷情 依溫飛卿聲韻

眉語腰舞槐夏午，好風微頭共枕纏。錦閉羅帷，粉蝶未魂飛空，依知交心性稀。
醉言歸

女冠子 依牛松卿聲韻

時鑿時笑絕代傾城窈窕衣，去輕蟬雲織誇新彩。長江起夕烟，樂哀千變後。
醒醉片言前看取同心者，儂天仙。

燕歸來 夏鳴寫懷依晏小山聲韻

傾綠螳挹清風樓帶晚霞紅，滿園修短竹溶溶。雲意月中，開懷事迴紋字。
描盡顛鸞何似瓊鈞羞挂粉情濃，眉畫碧窻東。

烏夜啼 解嘲依稼軒聲韻

人人喚我蘇公樂，詞中竟日獨吟宮。調類孩童，明月轉秋雨斷倚蒼松一味。
散仙風韻愧髯翁。

詩 餘

詩 餘

四

采桑子

即事依項蓮生韻

乘時吸遍西江水首博貂蟬山盡盧烟萬井樓台繪不全
蒼生只聽從龍盛
葵苦牽連蘿伏糞綠蟻礙芳叢舞不前

好事近 冬閨用蔣鹿潭韻

窓小夜燈孤除去金釵初歇冷透腰圍消瘦悵身輕如蟻
何來雲雁唳長空
梅雪歷寒葉又聽朔風蕭瑟感戍樓殘月

少年遊 憶舊識紅樓詞史用蔣鹿潭韻

少年春色隱紅樓羅幔拜蓮鈎駒隙空過鳳釵拚斷樂事此生休
難忘玉勒
雕鞍跨自賞盡風流北苑新妝南冠思客雙影別離愁

清平樂 除夕觀劇用蔣鹿潭韻

千門萬戶簫鼓催年去台上衣冠皆古處諷刺如流諧語
歸來月上窗紗香
風吹透梅花遙憶閨中少婦幾多遊子天涯

浪淘沙 冬夜獨坐再憶紅樓用蔣鹿潭韻

明月上雕闌愁畫眉山小窗私語憶前番梅瘦庭階難索笑况值天寒飛雁
唳雲端在戶星殘相歡長見是疑團皓齒朱唇無處覓玉影聊看

一剪梅 輓高鳳兮女士

曾記名園夕照紅

與高天梅君携眷同遊中央公園

小歇芳叢領略春風兩家遊興一般同聚也

融融散也匆匆

詎料花一現曇終三月欣逢四月樓空丁香惹恨法源中

寺

丁香花最著名女士靈樞寄放該寺

淒絕征鴻望絕飛龍飛龍橋名乃女士遊玩舊地

風入松

冬日酒後偕諸鄉友赴東關沙灘聽張宜琴彈詞述明清野史痛快之至

寒鴉陣陣去東城沙岸拜流鶯亭亭玉立歌金縷弄纏弦不亞秦箏眼送千嬌
星聚唇輕四座風生烏飛兔走賸山青訴盡短長亭雙垂翠袖拋檀板露徐
娘半老心情平話前朝舊事悲歡舌底分明

霜天曉角 采石磯懷古

江天遼闊文武全才缺人物古今何處謫仙醉驚撈月 儒者功難滅燃犀誰
克接幾度浪淘潮湧歎沉沒當年楫

留春令 遊招隱寺

詩 餘

六

下惟攤卷潔身砭俗伊人難見不聽元儲讀書聲歎斑剝留殘案 東晉高賢
名更冠寄此深林院徒倚竹泉覓知音空携酒黃鸝喚

點絳脣 湖邊書所見

不有嬋娟幾生能見湖山美晚霞羅綺更剪秋波水 遠聽霓裳歌舞高寒裏
幽情遞任憑唇齒天上人間喜

臨江仙 題王青芳君萬板樓依瓊蓮生韻

有限青春無限事事成萬板長留古今中外擬傳流形神欣響往刀筆聚眉頭
家學淵源摩詰畫肯題玉宇瓊樓光陰虛擲士顏羞棗梨空色相天子本無愁

太常引 曹昭題萬板樓木刻中國歷代女作家像二十六首俱依瓊蓮生憶雲詞韻

大家風範筆花忙冷却好時光擬整好時光繼兄志庭階夜涼 經師隆重高
才奇特入表自商量剛不自商量漢家月偏照女牆

點絳脣 班婕妤

詩戒箴規御街不願香車轉體清心遠愁極春光滿
作賦東宮早冀宸遊倦
吹仙管素紈新卷歌罷君恩斷

生查子 徐淑

秋深白雁來年少青驄鞍北面幾思君南浦還相送
身倩羽飛難回憶陽台
夢貧賤重糟糠律呂偕鸞鳳

鵲橋仙 卓文君

服章素履戶窺紅豆可是量才八斗相如夜飲寄琴心便做得飢先渴後
既
同膠漆如何瓜剖鉛淚潸潸盈袖白頭吟罷怨長空忍重問夫人小有

浣溪沙 蔡琰

漢使迎回七寶車琴心枕恨寄胡笳一思往事苦無涯
兒女河山增感慨舊
歡新夢到京華脫離枝葉過牆花

玉樓春 謝道韞

雪入春色天色暝半晴半雨春寒勁僅擬柳絮乍因風玉局才情金粟影
理

詩

餘

七

詩

餘

八

唐小郎將齒冷諸郎避舍炫妝艷無如瞎馬盡臨池大似晨雞先叫醒

點絳脣 衛夫人

恰到黃庭慣題落紙驚人句縱橫如雨逸少模型樹 倒薤懸針美女插花處
閒停仁並肩誰語點畫青雲去

南歌子 桃葉

看取秦淮勝常懷大令人彷彿武陵春無言誰得似綺羅身

浪淘沙 馮小憐

夜雨滴芭蕉續命良宵承恩歌舞最愁焦如願有心難自立烏鵲成橋 後主
早魂銷水渺山遙言歸肯與子同聊况值琵琶絃已絕何事吹簫

東坡引 上官昭容

聲揚庭腋徧生前得天遣量才選入宜春院承恩剛夜半承恩剛夜半 紅綃
細掩青蒲卷雞頭嫩風姿展涓涓溪水鴛鴦暖帝城雲裏見帝城雲裏見

一枝春 梅妃

采俗觀風荐青春莆邑先沾霖雨承歡且暮忽吐二南情緒羅浮夢醒盡分付
黛嬌顯嫵當此際含笑無言正是水深魚聚 胡遷上陽高處聽殘鐘五夜柔
腸千縷夷珍拜却樂府斛珠初譜紅雲絳雪更添了雨欺風妒惟只見辭賦樓
東尙存綺語

西江月

陳逸妻鄭氏

言祖大家八表才同司馬長卿教忠教孝露真情朝野裙釵驚醒 歷史精華
採集群經正義純清篇章五代後頒行可算三唐梅影

醉太平

張暖妻侯氏

鴻飛淺汀龜圖繡屏迴紋錦字雙清憶胡笳數聲 遠山黛青銀床夢醒召歸
藉表才英算天王聖明

浣溪沙

關盼盼

佳氣雲龍拾翠遊彼姝歌舞著千秋惱人紅杏放枝頭 夜夜銀蟾懷往事年
年飛燕識新愁題詩三百獨凭樓

詩

餘

九

江城子 薛 嶸

室如懸磬正蕭條上雲橈閣中宵調笑中宵何敢自歡聊試賦行雲流水曲聲
細細暮瀟瀟名流倡和得扶搖忌鶯嬌怕香銷未至香銷元白隔藍橋盡日
百花潭上坐愁一段憶吹簫

浣溪沙 劉采春

一曲春風窈窕娘滿腔心事寓瀟湘金陵羅幘待君王南內名花空掩映東
園枯柳倍淒涼望夫歌裏惱人腸

卜算子 黃崇嘏

驚起美人魂入獄風波靜府事追隨盡可觀喚出藍衫影似愛阮郎才坦腹
如初醒卓爾相陳白玉姿不覺開言冷

減字木蘭花 花蕊夫人

詩文情緒選入蜀宮高處住國破家愁懷抱琵琶依別樓繁絃急管百首新
詞傳近遠命寄枳楊織室淒清護短牆

菩薩蠻 朱淑真

平生志願幽棲老，逢人何敢低頭笑。
無異雁行單，空教蕙帳寒。
量才經玉尺，非偶傷心碧。
隱語未雄飛，斷腸猶望伊。

浣溪紗 蒨桃

南下雙旌免是非，開箱怕睹舊裳衣。
竺山葬後往來稀，妙算無多憂北顧，
預言不日定西歸，一生一死戀依依。

醉太平 王朝雲

情魔醉魔，風過雨過，尚餘西子清波。
問高深若何，珠圓翠荷。
茶斟女蘿，晨昏捧硯書多，或參禪剎那。

朝中措 陳女秀

新詩分韻地，爐紅經義盡，交融讀史能。
書粧閣燕飛鶯語，簾籠舅姑知孝閨。
門知悌名震宮中，遠近幾多哀悼，表彰刻石恩濃。

點絳脣 虞集母

詩 餘

詩 餘

一二

滿地干戈室家不許黃岡住雪霜風雨嶺表桃源去
經義咸通豈盡儒冠誤
花遲暮道園無數闢出文章路

浣溪紗 陳淑真

一幅鸞箋畫折枝何堪生值亂離時碧闌干外繡簾垂
春夏秋冬聞雅頌幽
閒貞靜對琴棋祇因絃絕步遲遲

太常引 鄭允瑞

柳花飛絮白如綿耕織自鑽研風月不論錢得涵養詩書性天
同床各夢肅
離一集恬淡樂陶然鸞鏡盼團圓怕說是淒涼獨眠

阮郎歸 婁妃

韶華過眼惜花殘盈廷有兩端良言不入但偷安傷心淚暗彈
先毀面並忘
餐沼沿江水寬知秋天氣碧梧寒盤桓金井闌

蝶戀花 和汪一庵君稷園看芍藥

將相生來無定準金帶圍腰只恐韶光盡不避紅嬌兼紫嫩維揚選客留餘韻

千葉連雲迎日暈沒骨旋心故國宮牆認粉醉西施誰伴飲小橋流水漁歌趁

鵲橋仙 代王小樹悼亡擬作依項蓮生韻

汝陽繡閣睢陵葦箔兩載同心宏廓崇朝梅鶴盡飄然忍重覩遺棠寂寞情
絲搖落淚鉛滴石愁話銀河渡着秋墳一掬弔斜陽黯躑躅陶然亭角

青玉案 祝莊震生兄六十

栩廬清福天難妒任滿筆靈芬吐百尺梧桐高處數道德文章功名事業恰似
神明主 衡門偃仰皇城路孝慈並萊衣舞莊生逍遙超萬古耳順心從音和
志雅不解浮生苦

行香子 祝魏謙甫姻弟六十雙壽

月照清泉湖擁微烟 寓清石泉西 微山湖東 更芝蘭舞綵躡躑重周甲錄嘉耦齊年可步西

華詠東海頌南山 公子翩翩美女娟娟羨珠樓竝坐如仙優游歲月豐富田
園好探林深望果熟看瓜綿

千秋歲

苗雲亭先生召飲家園慶雲樓有陸樹東畢建三宋夢九徐致堂周至也李允庵張砥純趙逸齋諸先生在座雲亭先生善丹青及攝影術題詠特多

詩 餘

慶雲縹緲摩詰烟霞老北海醉南山皓天生瀟灑慣隱映樓台好留鴻影陸地
神仙人中寶 鸞鳳言顛倒引得龐眉笑戲馬地雲龍表名流題此額畢竟昇

平兆

韓愈賀慶雲表有昇平之兆
既符仁壽之域已躋二語

誰同席宋徐周李蘇張趙

臨江仙

赴浙觀潮抵滬因事未果欣遇舊友許亦飛君略叙別况計
今已逾廿載即晚亦兄仍須返杭不禁黯然爰譜詞誌別

洗耳高風推武仲廿年闊別良朋華顏似昔笑盈盈鄉音仍未改愧我鬢霜生
乘興觀潮來歇浦那知路隔蓬瀛清秋班馬送君行詰朝難再見隨夢到南屏

洞仙歌

遊惠山泛舟太湖

浮沉青雀蕩湖山秋樹此地奇觀讓黿渚雨絲絲不斷挽住長虹天近晚待我
書空題句 寺鐘聲漸邇香火因緣遙望如蛇惠山路老去興猶濃萬頃東瞻
煙波裏梅園西顧愧獨醒疏狂寫清幽羨黃葉前村白蘋孤鷺

念奴嬌

題李海珊將軍傳誌彙編

孤軍斜峙正彈丸如雨先聲磅礴痛母衰年書戒子尸裹難從遼鶴閩浙功高
江淮戰遠南北矜韜略英靈長在瑤章請誦名作 誰想外族憑陵玷壇無濟

危卵仍如昨叱咤三呼殲虜首報享凌烟高閣狼豕奔時衣冠葬後褒鄂爭頭
角卅年追感殘陽尙映城郭

雨淋鈴遊明孝陵

鍾山神烈具規模遠一統初接躬耕隴畝何事參王佐位群雄稱傑目觀河山
錦繡竟迷茫囊括議大事謀及儒生兔死當烹可能脫忠臣自古多完節最
心傷染作秦淮血承平海宇難再餘紫氣晚秋楓葉廣建強藩徒使椒房骨肉
崩裂縱可卜虎踞長眠怎忍從頭說

換巢鸞鳳

壽張綱純世丈閏三月三十日生辰

天啓文豪正長星耀彩喜溢春宵千秋金鑑在泉石避塵囂彭門棲止樂逍遙
樂須及時三三暗撩神仙貌祇容許雪梨相照池沼閒臨眺鶯擲蝶忙無限
韶光好一醉堪描婆娑扶杖待作涓濱垂釣重盪陽春起新聲舉觴桃李知多
少比松椿祝期頤詩歌難老

泛清波摘徧淮河水魚依菱小山聲韻

詩餘

銜盃酒醜泊渚波平名產泗淮風味好膾鱸何若掉尾冲冲破寒早清河道漁
謳近遠鴻爪依稀高岸畫屏青退了臥雪堪驚孝格嘉魚世眞少 水源渺吞
絮記藏夏陰鼓浪怕連秋草爭市霜橋釣磯亂鴉啼曉霧雲杳人訝素月影孤
情疑客鄉書到怎料身離貝闕靠冰先倒

宴瑤池

先繼妣葬期已卜承石叢素兄題詞相唁
歿存俱感謹依其原作聲韻藉鳴謝悃

皎然金滿悵瑤池赴宴裙布遺率已往蓬門增茂建而今燕呼清寂楮棹在手
心痛楚蕭蕭靱荻枉知溫清當親何會湯藥侍朝夕 衣箱封鎖皆陳迹心悲
碎杖怕玉樓聞蓬條引佳城感菽水難歡淚流珠集拈花添座多誤認江淹夢
筆荷君恩錫瓊箋卑躬先敬立

附錄原作

美餘彤管痛徽音蓋代人去兜率隱隱雲龍蒼翠映瑤駟夜歸淒寂桓車並
挽曾教子幼勞晝荻晚年嘗蔗回甘桂芬蘭馥媚晨夕 紅塵難久住仙迹
彭山霧擁送玉霄笙笛竹簞慈陰想福永門庭鳳鸞翔集瑤箋銀字傳惠順

蠶辛妙筆萬松蟠鬱佳城豐碑瞻峻立

青衫濕徧 步石跋素兄悼亡詞原玉

江山未改樓台裂圯無限蒼涼名士美人金屋傍秦淮不慕盤閭萃圖書架掉
喜琳瑯好侶隨事事如賓敬彩鸞飛陡入天香且仰儀容宛在無妨地下眠長
隻影挑燈鳴咽玉溪詞譜怯覩遺裳佇立兒孫養志同根抱有願難償想幽
明原得配鸞鳳慟今朝可復生來日賦招魂再話榆桑北地寒風凜冽勸君緩
備行裝

附錄原作

安仁已老鰥魚目爛百種淒涼似鏡團圓纔玦挽仙蹤難叩金閨憶織葱萬
軸整琳瑯悔平時祇道尋常事忍輕縈縹緲帙凝香枉說綿綿此恨從今地久
天長 對影不聞聲息料知兒女血淚沾裳報答清芬德曜營齋奠畢竟虛
償卜佳城三尺瘞文鳳願重泉早日能同穴怕人間頓換紅桑轉瞬銜悲北
去幽魂可傍征裝

詩 餘

壺中天慢秋閨依李易安居士韻

殘燈明滅正填詞。筆倦凝眸。初閉驟雨狂風。籬落送陡覺鎖窓寒。氣遠戍懷鄉。
柔情若水都感孤眠。昧江南。易採儂尋紅豆先寄。遙想憑月窺人。無如月缺
但琴床斜倚。萬語千言。何處說手。按香箋草起。瘦比黃花。歌翻白苧。誰解悲秋
意。鶻聲呼曉。試看門外來未。

水調歌頭

秋夜填詞書感用石投素
兄重九登雨花台聲韻

吾欲養吾浩得句。興彌高。坡翁歌好。一章能勝百篇。豪垂露詞鋒。星耀東月羅
帷。窓照心悵。去來潮。休晒年華。老絕唱譜南朝。飲黃花。除綠草。樂遊遨。望風
懷弔。三湘忠愛。寄離騷。東傍關山。遠眺霜緊。天寒鴉噪。邊柳折長條。多感無家
讓空讓馬蹄驕。

附錄原作

秋色已蒼浩。節候正登高。茶甘泉好。一襟幽思不能豪。丹霧濛濛。騰耀白日。
悠悠殘照。平地漲波。潮妝靚青山。老憶送古南朝。感空花悲宿艸。獨遊遨。

暮天憑弔西風摧樹助刁騷烟際長江遠眺霞犀群鴉紛噪墟里惜蕭條知
否哀鴻譟還肆紫駟驕

燭影搖紅

石叟素譜兄聞將赴平不禁黯然爰步
秋夜感懷原玉以寫依依戀難言之隱

語重心長北歸同調因時起感懷桐葉又驚秋敢憶金釵墜自古幽明難會判
陰陽天經地緯西池望縵南浦情深重歡非易 試問前程魚龍幻演成何世
滔滔黃水下江淮空滴蒼生淚談天說鬼醉裏數交遊相差氣味孤鴻飛後班
馬鳴時此身誰寄

附錄原作

聲透珠簾綵船簫笛中宵起鷺掠情緒不成眠坐看燈花墜無限淒涼誰會
正牆陰啼殘絳緯畫屏猩色錦褥龍鬚秋風容易 暗憶悲歡此身悔謫人
間世憑欄慵換舊羅衣痕漬斑斑淚冰簟銀牀夢裏更孤負新涼况味麝
塵積鴛帳香銷札璫難寄

八聲甘州

丙子元旦感懷時客金陵依樂章韻

詩 餘

看蕭蕭霜鬢正迎年間經幾春秋怕歡斟醴醑爭誇冠冕寒射瓊樓祇見兒童
竹馬鼓舞未曾休回想韶華樂雲散風流客裏登高望遠聽江聲嗚咽東下
難收僅秦淮名勝仍是六朝留憶西施范蠡同調愜素懷共泛武陵舟相將見
古今心印何事眉愁

慶春宮秋夜聞雷感賦

閨婦栽箋騷人寫韻當秋大地都是衰柳扶疏枯荷歷亂他鄉生怕值此永宵
難度憶長夏槐陰綠綺高蟬嘶竭引退驕陽直同彈指隔簾葉落淒其冰簟
銀床悶懷斜倚雲隱嫦娥地吟蟋蟀窗外夜涼如水雙眸初閉黑甜處鴛鴦並
美何來霹靂疑掃妖氣震驚千里

風流子開居白門檢舊時道裝小影漫題

仙凡倏變幻滄桑後我相去尙長留況雲薄月明露零階冷未歸王粲深怕登樓
樓雁聲急知幾應解愛放浪可忘憂金粉色空玉簫人遠廣陵遺事江左名流
匆匆成今古豪華有代謝幾歷春秋遙望錦帆高下烟水沉浮却塵埃顧影

清風兩袖緇衣一鉢漫說封侯身到不諧時俗聊友漁鷗

瑞鶴仙

丙子秋李君翹丞持吾鄉張酌南先生遺墨徵題盟誦一過一爲祭黃康侯拔萃文一爲硯田賦餘屬絕數章爰譜詞兩闕聊伸景仰

先生文學古湖圮橋進履石公容與芹芳飫饜廡況地鄰劉項道隆鄒魯馨香
一炷奠椒漿康成痛楚動江關萬卷羅胸臆有硯田能賦 堪數詩歷元白字
法鍾王體傳徐庾龍吟鳳吐輝呂乘錄遺句感昌黎恩厚師儒衣鉢李漢難忘
化雨拜鄉賢立盡西風冷蟹正語

永遇樂

昨讀趙鏡波先生訃書並聆嫂素譜兄詳述與之訂交頗末傷感不已賦此寄慰

膠漆情深鵠鴻志竭淚痕盈面預約春明還迎夏屋此語陽關散手文空現竹
枝搖曳初聽遞書魚雁到而今知音何往牙琴理應絃斷 梁疑落月人同朝
露尙假殯儀仙館執紼難能登山遙指痛絕南歸雁死生如一清芬早契定卜
玉樓重見暫言別椒漿敬表奚須慨歎

木蘭花慢

冬日晨起感賦用蔣鹿潭韻
數晨星黯淡橫天際雁行開正野樹生煙長空洗雨一望飛埃徐淮枉多英傑

問歌風誰上漢王台，旌旆層層影動吹笳隱。聲哀雲排家國多才，獅震地馬懸崖。只六出花飄千山鳥盡，信斷天涯塵埋嶺梅。早放隴頭春未見，渡江來孰是銷兵健者杞憂無限低徊。

金縷曲 步石叟素兄秦淮別原玉

莫唱裙垂綠別秦淮舟，停歌板車聯長轂。旨酒頻斟愁未已，方寸安容萬斛。慕高雅空爲書籠倦鳥，知還何處止。幸園林賞雨存茅屋，甘薄食效羊續。生當今世身窮蹙，怕墜寰滄桑頓易變遷。陵谷鬥角鈎心，驚內外輪去求和總目欽。巨筆詞華潘陸採玉採珠，誰指點憶江南鼓枻蒼鷹舳。文會友戒專獨。

附錄原作

未到春波綠黯銷魂送君南浦，水凝車轂漫說還鄉非衣錦。已洗儒酸百斛更載得琳編盈籠淨。几明窓娛歲月有雲龍山色青環屋。釣遊地墜歡續。懷人天末雙眉蹙。問誰來推敲一字足。音空谷白髮何堪離別。苦况值烽煙滿目。怕轉瞬神州沉陸。張敏夢中曾識路。悵江深夜黑難飛舳。瑤璫寄慰幽。

獨

聲聲慢 壽姬佛陀君五十

靈傳東嶽

三月廿八誕辰

派衍西周欣富學易年華俯視紅塵關心民命蟲沙華巖幾

多寶藏積邱山石室籠紗揮雙手連環持節筆引龍蛇

儼似神仙活佛喜蹊

開桃李地接烟霞玉宇瓊樓誰甘齋飯胡麻春歸及時行樂會瀛洲

姬君在滬結會爲該會館

瀛洲主

豪飲賓嘉山色笑鳥聲喧送長者車

引駕行 答石大嫂素依柳耆卿聲韻

腴詞新譜情箋乍啓當春暮憶仙姿醉公子無殊鳳鸞高舉重觀記細細蘭言

青青柳色黯南浦指西北上烟雲陡起撼江湖石城樹俯許隨行捧杖正拍

傳薪神遇冀萬丈才橫蘇辛筆逞累年孤負懷願證敲金戛玉秦淮風月久留

處沒晝夜神馳意廣怎東邊去

石君寓秦淮河畔
著有淮水東邊詞

附錄石君自蚌溪車中回京原唱

詩 餘

二三

霞烘纖雨天黏嫩草長亭暮唱陽關倚新柳離筵翠尊偕舉遙覩認舊驛迢迢斜陽冉冉過寒浦陡傾耳車聲漸斷指江南簇雲樹幾許吹蘭語細贈芳情濃佳遇記醉聽簫簫眠酣玉枕忍教孤負回顧問輕舟弱楫當年根葉縹無處獨暗念零金贖粉返秦淮去

東風第一枝夏日村居有感依項蓮生聲韻

鎮日攤書年時卜老稻棚瓜架炎晝鴨羣揚翅開波漁船渡橋問柳醉醺如睡可傲却花間壺酒忽吹來南面狂風生怕雨昏雲驟霞絢彩紅飛苔螿煙去黑青添斷岫桑田迭變心酸櫻桃養長皮皺飄然對景儘護我竹清詩瘦猛抬頭滿目蜻蜓歷亂池荷開後

滿路花

題王太玉樹默寫普賢行願品一巨冊依趙師俠體

存神開後嗣閉目寫黃庭晨昏師極聖筆縱橫顏筋柳骨爐火見純青閱盡滄桑幻捧日冲霄宛然一片幽情類秋蟬匿迹銷聲肯作不平鳴潛修能翰墨使人驚知交欣賞題詠徧春明揮洒乾坤小法語琳瑯此中無影無形

彩雲歸 過傅彩雲墓依柳耆卿韻

平生志願寄慈航，誤煙花早別江鄉。
當月明雨止，良宵際憑笑貌漏洩春光。
怎知道，蝶忙蜂亂，致卿歡斷腸。
訴不盡浪萍飄泊，孽海微茫。
胡傷名流碩士，藉陶然映帶蒼涼。
柳枝曲怕聞笛蘇小，墓尚遺香。
况爲伊埋幽放彩，集錦文字商量。
兼贏得中外驚奇，受賜難忘。

長亭怨慢

奉教素譜兄復簡得悉家室蕩然遭難者數口踰踏斗室念切神傷
側耳南天合流在即抒詞寄意不禁潸潸淚下矣依項蓮生韻

看中外烽煙遼闊，到眼迷茫，刺心酸裂。
夜月秦淮，昔年歌管盡衰歇。
玉枝金葉，變焦土憑誰說。
悶損慨伊人第一，是鶴鷄形迹。
淒絕溯雲，仍環抱五嶽臥遊。
時節一朝永訣，忍重覩雁行雙折。
縱忘却晚景桑榆，定籠罩滿頭霜雪。
想虎踞龍蟠，稱帝忽聞鷓鴣。

霜花映

李寅恭兄由蜀函述石叢素譜兄
安居林陵喜而賦此依况夔笙韻

倚聲正拍欲寄君，關河久隔紅桑吟。
借秋宵苦依鄉井，棲遲自賞孤芳。
檢書摘香，不管伊鳴鳳，朝陽訴衷情。
舊地秦淮友如兄弟，忍參商。圖籍可曾借卜念。

年時霧隱耳目風光天堡高瞻巴箋遙遞欣傳杖履如常暑除夜涼宇內安難
叩穹蒼枉教人望月徘徊一封書短長

綺羅香 殘夏庭院小坐感懷依項蓮生韻

赤日臨頭玄蟬震耳聊隱藤蘿庭戶與古爲鄰按拍倚聲填句記當初合室西
行又回憶個人南去畏風波潦倒天涯春華何敢怨遲暮 炎涼時節無定忙
問垂青奚自落紅誰主一片團圞照徹雙方離緒聽井闌桐葉辭枝念喬木細
娘遷處最傷懷蛩語淒涼况添秋雨

百字令 津門一帶大水感賦依項蓮生韻

桑田滄海幻汪洋一片浪花如絮泛宅浮家無止境空感蒼生霖雨道大馳驅
夜闌歌舞盡作哀鴻處萬方多難問心何忍眉嫵 人世笑比河清情同紙薄
潮汐添愁緒鄭俠流民圖繪後曾否教坊偷譜振濟銀糧運輸舟楫全靠慈悲
侶願安黎庶疾呼濡墨題句

玉燭新 重陽將近復奉陟素譜兄賜書窮且益堅於今有幾偏促斗室何若
遠遊家室累人似宜出世爰填玉燭新兩闕寄意依上元許海秋韻

瓊瑤明既後正微雨高風滿城時候天南地北家山破只許蠻煙馳驟并沉莫
卜卜建設於今信否精靈寄渺渺秦淮秦淮若何回首 良朋死別生離盡落
拓無端參差還又孤燈殘漏須信道束手難爲長袖黃花同瘦尙憐我憐卿如
舊懷抱着極樂雙修與君參透

入聲甘州 庚辰除夕書懷並柬金陵石大毅素譜兄

坐宵深團聚話殘年除貧飲伽陀念談經雪裏傳杯膝下惟覺情多况值白雲
蒼狗歲月盡消磨願長爲鶴瘦並入詞魔 不必蓬山萬里隔江南冀北卽類
銀河祝春華秋實永作樹如何 （如何樹不畏白刃
及水火見神異經） 看神州龍蛇起伏任秦淮一
葉盪清波空懷感徬徨五夜書問維摩

仄州第一

觀坤伶伎玉鳳演花爲媒紡棉花兩劇描摸真情實景惟妙惟
肖且南腔北調滔滔不絕耿耿難忘爲賦此詞依周清真韻

響遏雲行絃應袖舞傳出玉質嬌小桃葉騎牆菱花對鏡疑似飛仙縹緲燈影
氍毹怕說是斜陽殘照涕哭傷情笙簧貫耳鬢霜人老 擬覓知音從古少撲
蝴蝶拜星廻繞玳瑁裝書珊瑚架筆算絕塵高抱苦沉吟西地錦兼凝注南腔

微笑鳳可還巢倚新聲宮商欠曉

風寒欺人幾將不起撫時感事回首慨然爰依放翁念奴嬌聲韻填詞遣

興並東金陵石大叟素

故宮禾黍夢江南梁燕安知鴻鵠淮水東邊欣膜拜情話燒殘銀燭雀上高枝
雞鳴古寺病骨驚秋速餘音狂放陸翁雅調誰屬 君總禮樂文章推敲清正
算揚聲孤竹陋室安居皆本願廉介學爲羊續道德存心山川坐望守黑窓紗
綠畢生岑寂秀階分配蘭玉

附石兄和作

鳳鸞繼望遼天空羨高翔黃鵠千種傷心難曲繪惆悵殘年風燭八表同
昏萬方一概冀覩承平速高邱無女神州整頓誰屬 頻痛刺棘填胸荆棘
滿眼付哀絲豪竹舊日秦淮觴詠地歡聚難思賡續珠露淒涼金縷蕭瑟落
葉凋濃綠憶君秋夜夢中欣領霏玉

男從校字
姪欣校字

附拙忍文存

雲龍山樵蘇拙忍

南遊記

光緒二十二年歲在丙申六月初吉僕從叔父爲滬上之遊意謂讀萬卷書行萬里路丈夫事也風塵跋涉夫何憚勞於是命僕夫戒行李歷至下相易陸而舟時雖酷暑而以泳以遊忘赤日之行天喜清風之徐引奏南薰一曲竊爲心移久之既而過袁浦抵淮陰問所謂漂母進食韓侯酬金之風猶有存乎蓋至今不可復見矣秦郵邗溝之地湖水汪洋魚龍出沒望之接天聽之驚枕江北淮南以此爲水之具區焉迨至經露筋之祠林樹蕭條過揚子之江煙波縹緲天塹之雄於故信然南徐小住覽勝金山登妙高台尋法海洞求吾家東坡公留帶處俯仰流連恨不古若少焉步至絕頂見天西連蒜嶺北界瓜州長江東去一瀉萬里遠望焦山蒼然一碧浮浮水面極盡筆之所不如而余懷爲之一廓焉夕陽既下附輪東行甫至明晨即抵滬濱燈火輝煌樓閣參差萃中土廿餘省及海外數十國之人之多往者熙熙來者攘攘酒地花天窮極侈麗一日投考學堂順道至鐵廠經營締造窮年累月國家每歲約費帑幣百萬一朝有事器械軍火不良於用實不能不爲掌管之人切齒痛恨也投考見檢受師無從世伯盧君爲叔父莫逆交招至其家與其世兄伴讀不得已而從之恨進取之未能歎托身之無地一燈風雨夜不成寐浩然而

歎悄至而悲深恐吾生之無以對吾父母與吾叔父期望之苦心也適而命作南遊記寔墨濡拈毫而書以誌其事

遊上海萃秀望記

丙申重陽日盧君子允邀余登高余曰城居無山何高登之爲曰邑廟中有二園其一爲東園之點春臺一爲西園即萃秀臺也臺之西偏有假山巖石爲之高逾數十丈登其巔而城之內外可一覽無遺矣盡往遊乎余曰諾於是安步當車同爲西園之遊焉是日也氣朗天清風涼人健庭軒已啓佳客紛來甫至門見黃花弄色古樹多姿寒潭自清奚禽對語觀秋意之蕭然感升沉之際會少焉拾級而上步至山巔縱四顧之所如登襟懷之有餘城之西南村落遠近粲乎隱隱其北則層樓巖閣上與雲齊車馬喧闐人聲鼎沸蓋自海禁大開重洋萬國貿易往來於中土者以是區爲最盛對此又想見中外會同之宏規焉東則浦江如帶奔流而下遠望海雲縹緲無際未幾夕陽西下暮烟四起余與盧君携手而歸歸至家即把酒持筴飲至半醉述一日之勝遊遂爰筆而爲之記

宜昌公廨可亭記

余自蒞任是邦近三年於茲矣彼仕止久速子輿氏之所謂可者自愧一無所可是不得不於一無所可

之中以研究其所謂可者爰就絳雪堂之西偏拓三弓地築一亭非以自娛也亦惟是退思其間以期其可焉而已余未識邦人士許可否也聞嘗執此意以詢邦人士僉曰可遂名之曰可亭

文明雅集啓

蓋聞敬業樂群周易明訓以文會友魯論有言是以三峽雖微屈宋之流風不遠四方未靖詩書之夙好宜敦也爰就許氏寄廬之東偏營一室焉曰思無邪齋字則東坡舊題也較庾信小園未覺其陋視王維別墅稍遜其華藉以研究琴棋之奧講求書畫之精用防花柳之行相戒擗蒲之戲信可樂也豈不美哉且而紳商學界亦足以暢叙幽情歸去來辭於此中得少佳趣靜弄琴聲坐題桐葉閒敲棋子時落燈花書幕黃庭鵲換豪興霞飛畫追白描龍眠逸情雲上雖曰文明雅集庶幾法律自由敬告同人恭疏短引

馮鏡塵索書跋

人自降生即履塵境不識不知滿身污垢漸能持鏡自照笑容可掬適時輒忘甚至蹈深淵入泥塗執迷不悟自古迄今比比皆然詎料身履軟紅之中志凌青霄之上竟有鏡塵其人者以為塵者境之所爲也鏡者志之所寓也境有塵而志無塵身有塵而鏡無塵鏡鑑足潔身潔身足明志余自識鏡塵以來觀其目中耳中談笑中一塵不染誦其詩讀其書察其胸臆不願僕僕風塵茲因索書於余爰以鏡塵別字將

其心志表而出之爲我交識鏡塵之紀念諒亦鏡塵所樂有之也

雪鴻錄詩序

有韻之文難矣有韻而言志之文更難詩也者言志而有韻之文也自科舉廢後幾疑詩之亦廢不知陶寫性情豈必待功令利祿勸功而後已晚近歐風東漸有所謂白話新詩者然白戰固不持寸鐵但恨不道鹽耳試觀陳子雪鴻錄二詩無一字不有來歷本悲憫之懷發而爲詩歌之助篇什雖簡終豈以少許勝人多許淋漓瀉暢縱如陸放翁悲壯激昂如杜補闕其鴻雁薦尤稱驪珠獨握感懷身世無拔劍斫地之狂贈答唱酬有目送手揮之妙胎息於白香山之新樂府念亂愈深彷彿如黃九烟之夕陽樓連珠暖接至名曰不掃除室殆即體天公玉戲之意填人間慾壑之心彼多事掃除者胡爲乎來哉斯人不出如蒼生何殊令我作霖雨東山之望他日綠滿窓前舊樽覓句雪泥鴻爪重話巢痕則此序尙屬嚆矢也夫

吳自堂總司令壽序

蓋聞降專閭之名者只繫情行伍擅元戎之譽者惟從事干城勒石銘功雲台第一登高樹幟國士無雙雖能震古鑠今每至鋪張揚厲從未有以干戈之際道德高超以將帥之身溫文儒雅如我長江上游吳總司令自堂其人者總司令古彭原籍下相望宗氣則藏劍刺秦較二兄而標異志則請纓繫越向三島

以遊遊簡練揣摩終夜憂心國事命中致遠無非寓目咸通有吳起之遺風綿延陵之世澤迨至歸國總司令憫國家之危急建議設陸軍大學武裝促進可謂探颺得珠莠草不除尙多指鹿爲馬嗣乃指揮操縱一軍皆驚鼓舞激昂各方俱服羽書旁午刁斗勝卒有如李牧守邊實類班超鎮遠此總司令升奉天統制之所由來也當民國改革之初異說繁鼓羣情擺搖南北爭持幾難統一生靈遭戮者盈途王公逃生者滿路海內張皇都中震恐總司令帷幄運籌主峯以定湖口之役更能勇增百倍計妙七擒出奇則自後繞出設伏則從天飛來曹孟德以至弱破至強漢光武以少許勝多許才以歷練而明識以艱難而定遂至功成身退鄉井棲遲疏渠溉田澆流赴壑杜預難專武庫之稱兒寬徒負文學之號如是者進退有年從容自若可以愜我願而息我肩矣然而事會之來非有終極英雄惟多用武之地豪傑斯得奮迹之時言守言戰先在川湘所見甚明所圖甚大在彼則善竄在此則善剿入虎穴得虎子雄略過人易袍兵爲步兵威名出衆一時七畝風滿兵戈雨洗旣當道而披荆豈論功而依樹然實至名歸功高賞及列姓字於銀屏藉藉盈口符馨香於輿論嘖嘖多聲而且擁戟鉞旌旌旗持籌善後與利居先瘡痍盡起旌席威登戶口徧集其流亡室家力謀其生聚是自古名將之所不及宜當今鉅公之所交推至其節駐蹕陵也聲威上達夫川蜀權力下施於江漢外夷埠立時逢其艱國軍雲從地處其要當西南之保障瞻督


閩之經綸地方賴憲隊彈壓以相安民命藉探員緝獲以相抵總司令可謂於中外交涉之情體之至悉商民相安之計籌之至精矣總之司令一生惟仁與勇仁可以爲壽勇亦可以爲壽仁則俾壽而康勇則自強不息或曰總司令年近強仕遽以壽稱無乃未揆於禮乎答曰余之壽總司令蓋以其人非以其年也邇值蓬矢高懸麥秋乍到賓朋把盞部曲舉觴齊眉旣可以分榮嘉賓亦自當有懼因不禁搦管操觚以爲國恩家慶而見仁壽焉是爲序

阮子衡先生六十雙慶

賞聞晉沃者光必騰德茂者壽必永時值國家多難安攘需才也斯人即應運而起時當政治維新國體改建也斯人乃高臥隱居徜徉物外觴詠海濱宦情早忘放達已久放達則樂生樂生則長壽綏引古歌曰抱琴榮啓樂縱酒劉伶遠曠眼看青山任頭生白髮歌畢同鄉諸友叩門相稱曰本年夏歷八月二十一日爲子衡先生六十大慶盤過花甲會際清辰郎君學博羣欽倚馬之才壽者相成合慶扶鳩之祝擬撰頌詞登堂介壽而徵言於余余固辭不獲謹將先生之事功德行天懷高誼堪爲士君子模範者而質言焉溯自我國共和以來修談武略文教未訖乎四海人瑞先見諸高年先生陳留後宗青村望族幼秉異質更得力於母訓師承慷慨有大志以少年所著述爲不足道充其識量才力足以經緯百端故自丁

西應拔萃辛丑登賢書以來即別歷部曹參贊治本由內閣中書商部主事擢至郵傳部郎中路政司
長記名御史以勸業道任用嘉猷入告議議屢申抱爲國爲民之本旨守願言願行之真傳其條陳路線
也志在聯絡邊疆其整理路務也義更不避權貴當聯軍入京兩宮西狩之時先生乃舍身取義留駐都
門烽火漫天行乎患難嗣蒙賞侍讀銜迨兩宮先後晏駕凡陵寢各事先生又效馳驅雖赤日當空不辭
勞瘁此先生學業事績昭著前清有如此者民國肇興先生伏處鄉閭贊襄教育以南洋大學庶務職而
有集成圖書館之舉玉軸連雲無異杜家之庫牙籤壓架儼如曹氏之倉穀力熱心啟迪後進實不多見
故政府錫以寵榮嘉章迭晉有由來也且於孝友慈祥寬和廉潔諸大端罔不克盡書曰忠愛以事親詩
云式好無尤先生奉堂上雙親能先意承志務得歡心而後止雍雍和豫萃於一庭孺篋旣已克諧琴瑟
無不靜好此先生孝友傳家之可壽者詩云愷悌君子記曰積而能散先生修家乘管義莊敦宗睦族鄉
黨咸稱遇貧窮患難之人解衣推食不稍吝且在本邑屢辦工賑急賑並赴湖南醴陵等處發散義賑活
人無算守乃父畢生辦賑之成規彌蒼天水旱偏災之缺憾此先生慈祥存心之可壽者魯論有曰君子
威而不猛和而不同先生總辦京漢開海等路甘苦共嘗百工皆樂效命奉使遼瀋條約清晰內外無不
折服頌德歌功傳聞近遠此先生寬和足欽之可壽者傳曰儉而有禮詩云泮澳爾遊先生平居以禮自

範無疾聲遽色性甘儉約衣食不尙華靡恬退冲融寄情泉石冬則圍爐共話夏則高臥北窓此先生廉潔寡欲之可壽者審若是則先生之出處光明應世接物無一不本於天性且繼配王夫人賦性溫和洞識大體清華先傳姆教樂事自集家庭刑于之化先生有焉內助之賢夫人居焉余聞程子之言曰天之生富貴者必將拯貧賤天之生賢智者必將敗凡庸先生生平善體此旨故能德洽於人德洽於人者深斯食報於天者厚先生生丈夫子四長尙介德國柏林大學工科博士上海同濟大學校長次尙正尙平均肄業上海交通澄衷各校季則尙幼論所學之淵源成克家之弓冶瑤環瑜珥萃集於前和氣所蒸蔚然偉器且也文章述德聿宏多士裁成匾額高懸大慰老人期許先生願而樂焉掀鬚微笑勉晉一觸親友聞而問焉攜手同來筵開八座可謂盛矣余與先生少同里長同遊略識先生之概略故不揣淺陋摛詞而上壽曰 秋水長天兮西陸迎涼天人交泰兮爾 爾賦竹苞松茂兮桂馥蘭芳風雲變幻兮獨立蒼茫衝泌偃仰兮山高水長南山東海兮噓壽而康登堂羅拜兮躋躋踰躅無遠無近兮同晉霞觴將見先生上壽百年兮實乃邦家之榮光是爲序



壬午初秋因事旋里微邀集同春請 西蜀楊聞道先生

來徐誦學以期宏揚東方文化爰成一律

嬰山學久銷沈

桑梓園情微有道

凌雲氣概笑回潮

板轉乾坤觀日月

不憶神州竟陝沈

排除暮氣啟朝氣

鍾磬難云漫想像

雲龍山色今秋蒼

滾海橫流感不禁

天人相接本無心

逝水光陰何處尋

秋宵持作短長吟

千鈞自負力猶禁


改選人心就道心

真傳真譜翻遺毒

變世誰為梁父吟

雲龍山色今秋蒼





版出春仲年一十三國民

印刷者	校訂者	審核者	著作者
曲園出版社	蘇從 勇欣	虞山莊 溢光	彭城蘇拙 忍

勘誤表

頁數	行數	正	誤
5	5	曇花一現	花一現曇
6	2	帷	惟
8	1	屈	屆
27	11	菱	菱

3751